



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-719/22-I
Brčko, 30.05.2022. godine

Z A P I S N I K
sa 236. sjednice Pravosudne komisije Brčko distrikta BiH
održane 30.05.2022. godine, u 08,30 sati sa slijedećim

Dnevni redom

1. Usvajanje zapisnika sa 235. redovne sjednice Pravosudne komisije Brčko distrikta BiH
(izvjestilac: Dejan Đurović)
2. Utvrđivanje postojanja okolnosti za prijevremeno razrješenje Envera Tursunovića, člana Pravosudne komisije iz reda građana
(izvjestilac: Dejan Đurović)
3. Inicijativa za izmjenu Zakona o platama i naknadama zaposlenih u pravosuđu Brčko distrikta BiH
(izvjestilac: Dejan Đurović)
4. Informacija u vezi sa inicijativom Udruženja doktora porodične medicine i udruženja medicinskih sestara i tehničara za izmjene i dopune Krivičnog Zakona Brčko distrikta BiH
(izvjestilac: Dejan Đurović)
5. Donošenje Odluke o kriterijumima za utvrđivanje visine naknade za rad disciplinskog tužioca, predsjedniku, zamjeniku predsjednika i članu disciplinske komisije, te zapisničaru disciplinske komisije
(izvjestilac: Dejan Đurović)
6. Prijedlog M. S. za ponavljanje postupka okončanog odlukom o izboru Komisije za zapošljavanje broj SuPK-M-01-144/21 od 25.22.2021. godine
(izvjestilac: Dejan Đurović)
7. Žalba M. S. protiv zaključka Pravosudne komisije Brčko distrikta BiH broj SuPK-01-1149/21 od 29.04.2022. godine
(izvjestilac: Dejan Đurović)
8. Žalba M. S. protiv zaključka Pravosudne komisije Brčko distrikta BiH broj SuPK-01-667/21 od 29.04.2022. godine
(izvjestilac: Dejan Đurović)
9. Donošenje odluke o prestanku radnog odnosa Adnani Džaferović, stručnom saradniku u Apelacionom sudu Brčko distrikta BiH
(izvjestilac: Dejan Đurović)
10. Raspisivanje konkursa za stručnog saradnika u Apelacionom sudu Brčko distrikta BiH.
(izvjestilac: Dejan Đurović)
11. Donošenje odluke o izmjeni i dopuni odluke o broju volontera u pravosudnim institucijama u 2022. godini i donošenje odluke o raspisivanju javnog poziva za prijem volontera u pravosudne institucije Brčko distrikta BiH
(izvjestilac: Dejan Đurović)

12. Preporuka sa listom za izbor najboljeg kandidata – Arhivar-operater u Osnovnom sudu Brčko distrikta BiH
(izvjestilac: Dejan Đurović)
13. Donošenje Odluke o formiranju komisija za prijem roba i usluga u postupku javnih nabavki za potrebe pravosudnih institucija
(izvjestilac: Dejan Đurović)
14. Donošenje Odluke za organizaciju seminara za službenike i namještenike na temu „Javne nabavke“
(izvjestilac: Dejan Đurović)
15. Donošenje rješenja o imenovanju povjerenika K. Č. koji će nadzirati rad za opšte dobro na slobodi osuđenog D. H. i rješenja o raspoređivanju osuđenog D. H. na radno mjesto – radnik na zbrinjavanju napuštenih životinja JP „Komunalno Brčko“ d.o.o. Brčko distrikt BiH
(izvjestilac: Dejan Đurović)
16. Zahtjev Disciplinske komisije za isplatu naknade za rad za mjesec april 2022. godine
(izvjestilac: Dejan Đurović)
17. Zahtjev zamjenika disciplinskog tužioca za isplatu naknade za rad za mjesec april 2022. godine
(izvjestilac: Dejan Đurović)
18. Zahtjev disciplinskog tužioca za isplatu naknade za rad za mjesec april 2022. godine
(izvjestilac: Safet Pizović)
19. Razno

PRISUTNI SU:

1. SAFET PIZOVIĆ, predsjednik Komisije,
2. ILINKA GAVRIĆ, pravobranilac u Pravobranilaštvu Brčko distrikta BiH,
3. MATO TADIĆ, predsjednik Ustavnog suda BiH,
4. DAMJAN KAURINOVIĆ, predsjednik Apelacionog suda Brčko distrikta BiH,
5. JADRANKO GRČEVIĆ, predsjednik Osnovnog suda Brčko distrikta BiH,
6. ZEKERIJA MUJKANOVIĆ, glavni tužilac u Tužilaštvu Brčko distrikta BiH,
7. ENVER TURSUNOVIĆ, član Komisije iz reda građana,
8. VELIBOR JAKIĆ, član Komisije iz reda građana,
9. MIRKO TRIFKOVIĆ, podpredsjednik Komisije/član Komisije iz reda građana.

Sjednica počela u 08,35 sati.

Konstatuje se da sjednici prisustvuju svi članova Komisije, i da istoj prisustvuje i sekretar Komisije Dejan Đurović.

Predsjednik Komisije otvara 236. redovnu sjednicu Pravosudne komisije sa predloženim dnevnim redom, s tim što predlaže da se isti dopuni na način da se iza predložene tačke 14. dodaje nova tačka 15. koja glasi: „Razmatranje akta Skupštine Brčko distrikta BiH, broj: 02-05-2497-1/22 od 27.05.2022. godine“, i da se iza nove tačke 15. dodaje se nova tačka 16. koja glasi: „Mišljenje na prijedlog Memoranduma o saradnji između Ministarstva pravde BiH i Međunarodnog rezidualnog mehanizma za kaznene sudove za preuzimanje podataka iz osuđujućih presuda“.

Slijedom predloženih dopuna, numeracija tačaka se pomjera, tako da dosadašnja tačka 19. Razno postaje tačka broj 21.

Predloženi i dopunjeni dnevni red je usvojen jednoglasno, bez primjedbi.

Prelazi se na prvu tačku dnevnog reda.

1. Usvajanje zapisnika sa 235. redovne sjednice Pravosudne komisije Brčko distrikta BiH

Nakon razmatranja zapisnika konstatuje se da je zapisnik sa 235. redovne sjednice Pravosudne komisije usvojeni jednoglasno, bez primjedbi.

2. Utvrđivanje postojanja okolnosti za prijevremeno razrješenje Envera Tursunovića, člana Pravosudne komisije iz reda građana

Konstatuje se da je Enver Tursunović, član Komisije iz reda građana, poslije davanja usmenog izjašnjenja, u 08,57 sati izuzet o odlučivanju po ovoj tački.

Nakon provedene diskusije, Komisija je jednoglasno donijela zaključak da nisu ispunjeni uslovi da se prijevremeno razriješi dužnosti g. Enver Tursunović kao član Pravosudne komisije iz reda građana Brčko distrikta BiH, u vezi sa prisustvom na skupu u organizaciji političke stranke SDA.

Zatim, Komisija je zadužila Stručnu službu da izvrši analizu Poslovnika o radu Pravosudne komisije Brčko distrikta BiH, koja bi se razmatrala na nekoj od narednih sjednica Komisije.

Predsjednik Komisije konstatuje da se u 09,12 sati, Enver Tursunović, član Komisije iz reda građana ponovo uključio u rad sjednice.

3. Inicijativa za izmjenu Zakona o platama i naknadama zaposlenih u pravosuđu Brčko distrikta BiH

Nakon obrazloženja, Komisija je detaljno razmotrila navedenu inicijativu, i nakon provedene diskusije jednoglasno donijela zaključak da se podnosiocima iste odgovori da nisu ispunjeni uslovi za izmjenu Zakona o platama i naknadama zaposlenih u pravosuđu Brčko distrikta BiH u pravcu navoda iz inicijative.

4. Informacija u vezi sa inicijativom Udruženja doktora porodične medicine i udruženja medicinskih sestara i tehničara za izmjene i dopune Krivičnog Zakona Brčko distrikta BiH

Nakon obrazloženja i provedene diskusije, Komisija je jednoglasno donijela sljedeći zaključak da se obavjesti Skupština Brčko distrikta BiH da je identična inicijativa već ranije razmatrana na 217. redovnoj sjednici Pravosudne komisije Brčko distrikta BiH, i da Komisija ostaje pri ranijem izjašnjenju od 17.07.2020. godine.

5. Donošenje Odluke o kriterijumima za utvrđivanje visine naknade za rad disciplinskog tužioca, predsjedniku, zamjeniku predsjednika i članu disciplinske komisije, te zapisničaru disciplinske komisije

Nakon obrazloženja i provedene diskusije, Komisija je jednoglasno donijela odluku da se donošenje Odluke o kriterijumima za utvrđivanje visine naknade za rad disciplinskog tužioca, predsjedniku, zamjeniku predsjednika i članu disciplinske komisije, te zapisničaru disciplinske komisije odloži i raspravlja na sledećoj sjednici uz zaduženje predsjednika i Stručne službe Komisije da pripreme konačnu odluku.

6. Prijedlog M. S. za ponavljanje postupka okončanog odlukom o izboru Komisije za zapošljavanje broj SuPK-M-01-144/21 od 25.11.2021. godine

Nakon obrazloženja, Komisija je jednoglasno donijela sljedeći

Zaključak

Prijedlog M. S. za ponavljanje postupka okončanog odlukom o izboru Komisije za zapošljavanje broj SuPK-M-01-144/21 od 25.11.2021. godine, se odbacuje kao nedopušten.

7. Žalba M. S. protiv zaključka Pravosudne komisije Brčko distrikta BiH broj SuPK-01-1149/21 od 29.04.2022. godine

Nakon obrazloženja, Komisija je jednoglasno donijela sljedeći

Zaključak

Žalba M. S. izjavljena protiv zaključka Pravosudne komisije Brčko distrikta BiH, broj: SuPK-01-1149/21 od 29.04.2022. godine, se odbacuje kao nedopuštena.

8. Žalba M. S. protiv zaključka Pravosudne komisije Brčko distrikta BiH broj SuPK-01-667/21 od 29.04.2022. godine

Nakon obrazloženja, Komisija je jednoglasno donijela sljedeći

Zaključak

Žalba M. S. izjavljena protiv zaključka Pravosudne komisije Brčko distrikta BiH, broj: SuPK-01-667/21 od 29.04.2022. godine, se odbacuje kao nedopuštena.

9. Donošenje odluke o prestanku radnog odnosa Adnani Džaferović, stručnom saradniku u Apelacionom sudu Brčko distrikta BiH

Nakon obrazloženja, Komisija je jednoglasno donijela sljedeće

Rješenje

Adnani Džaferović, stručnom saradniku u Apelacionom sudu Brčko distrikta BiH, prestaje radni odnos po sili zakona zaključno sa 15.06.2022. godine, zbog imenovanja na drugu dužnost.

10. Raspisivanje konkursa za stručnog saradnika u Apelacionom sudu Brčko distrikta BiH

Nakon obrazloženja i provedene diskusije, Komisije je jednoglasno donijela sljedeću

**Odluku o raspisivanju javnog konkursa
za popunjavanje upražnjenih radnih mjesta
u pravosuđu Brčko distrikta BiH**

1. Stručni saradnik u Apelacionom sudu Brčko distrikta BiH (na neodređeno vrijeme)..... 1 (jedan) izvršilac,
2. Šef pisarnice u Osnovnom sudu Brčko distrikta BiH (na neodređeno vrijeme) 1 (jedan) izvršilac.

Prijave na konkurs podnose se od 02.06.2022. godine do 17.06.2022. godine.

11. Donošenje odluke o izmjeni i dopuni odluke o broju volontera u pravosudnim institucijama u 2022. godini i donošenje odluke o raspisivanju javnog poziva za prijem volontera u pravosudne institucije Brčko distrikta BiH

Nakon obrazloženja, Komisija je jednoglasno donijela sljedeću

Odluku o izmjeni i dopuni
Odluke o broju volontera koji se primaju u pravosudne institucije Brčko distrikta BiH u 2022.
godini

Član 1.

U Odluci o broju volontera koji se primaju u pravosudne institucije Brčko distrikta BiH u 2022. godini, broj: SuPK-01-11/22-II od 28.01.2022. godine, u članu 1., umjesto što stoji:

„izvršiti prijem 2 (dva) diplomirana pravnika u svojstvu volontera“, treba da stoji:
„izvršiti prijem 3 (tri) diplomirana pravnika u svojstvu volontera“.

Član 2.

U članu 2. dodaje se nova tačka 3., koja glasi:

3. Apelacioni sud Brčko distrikta BiH – 1 (jedan) volonter.

Član 3.

Ova Odluka stupa na snagu danom donošenja.

A potom Komisija donosi,

Odluku o raspisivanju Javnog poziva
za prijem volontera u pravosudne institucije Brčko distrikta BiH

1. Tužilaštvo Brčko distrikta BiH.....1 (jedan) volonter
2. Apelacioni sud Brčko distrikta BiH.....2 (dva) volontera.

Javni poziv se raspisuje za prijem 3 (tri) diplomirana pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Prijave na javni poziv podnose se od 02.06.2022. godine do 17.06.2022. godine.

12. Preporuka sa listom za izbor najboljeg kandidata – Arhivar-operater u Osnovnom sudu Brčko distrikta BiH

Nakon obrazloženja i provedene diskusije, konstatuje se da je Komisija u skladu sa odbredbom člana 38. Zakona o službenicima i namještenicima Brčko distrikta BiH jednoglasno potvrdila izbor Prajo Radomira, kandidata koji je ostvario najveći broj bodova, nakon provedene procedure za izbor „arhivar-operater“ u Osnovnom sudu Brčko distrikta BiH.

13. Donošenje Odluke o formiranju komisija za prijem roba i usluga u postupku javnih nabavki za potrebe pravosudnih institucija

Nakon obrazloženja i provedene diskusije, Komisija je jednoglasno donijela sljedeću

Odluku

Član 1.

Formiraju se Komisije za prijem roba i usluga u postupku javnih nabavki za potrebe pravosudnih institucija u sljedećem sastavu:

- a) za Pravosudnu komisiju: Dejan Đurović, predsjednik Komisije, Merisa Kević i Željko Lozić/Almira Pitnjaković, članovi Komisije,
- b) za Apelacioni sud: Amela Pezerović, predsjednik Komisije, Radmila Tomić i Željko Lozić/Almira Pitnjaković, članovi Komisije,
- c) za Osnovni sud: Mile Teodosić, predsjednik Komisije, radomir Prajo i Željko Lozić/Almira Pitnjaković, članovi Komisije,
- d) za Tužilaštvo: Amira Imamović, predsjednik Komisije, Jasmin Tursunović i Željko Lozić/Almira Pitnjaković, članovi Komisije,
- e) za Pravobranilaštvo: Husein Džafić, predsjednik Komisije, Tatjana Jovičić i Željko Lozić/Almira Pitnjaković, članovi Komisije,
- f) za Kancelariju: Dragana Popić, predsjednik Komisije, Samir Tursunović i Željko Lozić/Almira Pitnjaković, članovi Komisije.

Član 2.

Formira se Komisija za prijem uniformi, opreme imaterijalno-tehničkih sredstava za potrebe Sudske policije Brčko distrikta BiH u sastavu: Ivica Jurić, predsjednik Komisije, Dejan Đurović i Željko Lozić/Almira Pitnjaković, članovi Komisije.

Član 3.

Formira se Komisija za prijem računarske i ostale tehničke opreme i usluga za potrebe svih pravosudnih institucija u sastavu: Vedad Osmanović, predsjednik Komisije, Jasenko Okičić i Željko Lozić/Almira Pitnjaković, članovi Komisije.

Član 4.

Zadatak Komisija iz članova 1., 2. i 3. je da prilikom prijema roba i usluga za potrebe pravosudnih institucija u postupku javne nabavke, izvrše kvantitativnu i kvalitativnu provjeru u skladu sa tenderskom specifikacijom, te prijem ili eventualno odbijanje prijema isporučene robe i usluga zaspisnički konstatuju i obrazlože.

Član 5.

Ovom odlukom stavljaju se van snage odluke Pravosudne komisije Brčko distrikta BiH, broj: SuPK-132/19 od 01.02.2019. godine i 31.05.2021. godine.

14. Donošenje Odluke za organizaciju seminara za službenike i namještenike na temu „Javne nabavke“

Nakon obrazloženja, Komisija je jednoglasno donijela sljedeću

Odluku

Pravosudna komisija Brčko distrikta BiH organizuje seminar na temu: „Javne nabavke (Upoznavanje sa procedurama direktnog sporazuma, konkurentskog zahtjeva, sa prijemom roba i usluga i izvršavanjem ugovora)“, za službenike i namještenike u pravosuđu Brčko distrikta BiH, koji će se održati 13. juna 2022. godine u sali za edukacije Pravosudne komisije Brčko distrikta BiH.

Za edukatora na seminaru imenuje se Brankica Šarić doc. dr ekonomskih nauka, profesor na Univerzitetu za poslovne studije Banja Luka.

Edukator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktički dio obuke, da pripremi i dostavi određenu temu u formi elektronskog matreijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

15. Razmatranje akta Skupštine Brčko distrikta BiH, broj: 02-05-2497-1/22 od 27.05.2022. godine

Nakon obrazloženja i razmatranja akta Skupštine Brčko distrikta BiH od 27.05.2022. godine, Komisija je jednoglasno donijela zaključak da je saglasna da predlagač ovog zakona budu aktom navedeni poslanički klubovi (SNSD, HDZ i SDA), te da prijedlog Zakona o izmjenama i dopunama Zakona o platama i naknadama zaposlenih u pravosuđu Brčko distrikta BiH povlači iz skupštinske procedure.

16. Mišljenje na prijedlog Memoranduma o saradnji između Ministarstva pravde BiH i Međunarodnog rezidualnog mehanizma za kaznene sudove za preuzimanje podataka iz osuđujućih presuda

Nakon obrazloženja, Komisija je razmatrajući dostavljeni prijedlog jednoglasno donijela zaključak da Pravosudna komisija Brčko distrikta BiH podržava osnov odnosno uporište kojim je ovo pitanje riješeno, imajući u vidu da je radna grupa za izradu nacrtu predmetnog memoranduma u svom mandatu postupila na način kako je to i naloženo zaključkom Vijeća ministara BiH, broj 05-07-5-2850/19 od 02.06.2020. godine.

U vezi podataka koji će se unositi u kaznene evidencije, Pravosudna komisija Brčko distrikta BiH podržava rješenje koje usaglase predstavnici ministarstava unutrašnjih poslova imajući u vidu da je unos podataka u kaznene evidencije u njihovoj nadležnosti.

17. Donošenje rješenja o imenovanju povjerenika K. Č. koji će nadzirati rad za opšte dobro na slobodi osuđenog D. H. i rješenja o raspoređivanju osuđenog D. H. na radno mjesto – radnik na zbrinjavanju napuštenih životinja JP „Komunalno Brčko“ d.o.o. Brčko distrikt BiH

Nakon obrazloženja, Komisija je jednoglasno donijela sljedeće

Rješenje

K. Č. imenuje se za povjerenika osuđenom D. H. i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Povjerenik se imenuje na vremenski period od 40 dana izvršavanja rada za opšte dobro na slobodi osuđenog lica.

Povjereniku za nadzor nad osuđenim licem pripada dnevna naknada za rad u iznosu od 2% od prosječne neto plate zaposlenih u institucijama Bosne i Hercegovine za 2021. godinu.

I nakon toga Komisija donosi sljedeće,

Rješenje

Raspoređuje se osuđeno lice D. H. na radno mjesto „Radnik na zbrinjavanju napuštenih životinja“ u Javnom preduzeću „Komunalno Brčko“ d.o.o. Brčko distrikt BiH.

Osuđeno lice će rad za opšte dobro na slobodi u trajanju od 40 (četrdeset) dana obavljati u periodu od 01.07.2022. godine do 26.08.2022. godine.

18. Zahtjev Disciplinske komisije za isplatu naknade za rad za mjesec april 2022. godine

Nakon obrazloženja i provedene diskusije, Pravosudna komisija je jednoglasno donijela

O D L U K U

o isplati naknade Disciplinskoj komisiji za provođenje disciplinskih postupaka protiv službenika i namještenika u pravosuđu Brčko distrikta BiH za mjesec april 2022. godine

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200- Naknade troškova zaposlenih, izvrši isplatu naknade za rad:

- Samiru Beganoviću, predsjedniku Disciplinske komisije, iznos od 227,86 KM,
- Lani Kondić Vasić, članu Disciplinske komisije, iznos od 227,86 KM,
- Dejanu Nišiću, članu Disciplinske komisije, iznos od 227,86 KM,
- Nataši Kovač, zapisničaru Disciplinske komisije, iznos od 142,41 KM.

19. Zahtjev zamjenika disciplinskog tužioca za isplatu naknade za rad za mjesec april 2022. godine

Nakon obrazloženja i provedene diskusije, Pravosudna komisija je jednoglasno donijela odluku

O D L U K U

o isplati naknade zamjeniku disciplinskog tužioca za mjesec april

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 – naknade troškova zaposlenika, izvrši isplatu naknade za rad Huseinu Džafiću, zamjeniku disciplinskog tužioca, iznos od 227,86 KM.

20. Zahtjev disciplinskog tužioca za isplatu naknade za rad za mjesec april 2022. godine

Nakon obrazloženja i provedene diskusije, Pravosudna komisija je jednoglasno donijela odluku

O D L U K U

o isplati naknade disciplinskom tužiocu za mjesec april

Nalaže se finansijskoj službi Pravosudne komisije da iz sredstava osiguranih u Budžetu Brčko distrikta BiH na organizacionom kodu 12010001 Pravosudne komisije, ekonomski kod 611200 – naknade troškova zaposlenika, izvrši isplatu naknade za rad Dejanu Đuroviću, disciplinskom tužiocu, iznos od 284,82 KM.

Kako se više niko nije javio za riječ, 236. redovna sjednica završena je u 10,04 sati.

Zapisnik vodila
Nataša Kovač

Predsjednik
Pravosudne komisije

Safet Pizović